

parkirališta u skladu sa Zaključkom Vlade Kantona, broj 02-05-32091-15/06 od 21.12.2006. godine.

12. Unos faktura kojima se stvaraju obaveze za plaćanje, a odnose se za održavanje, opremanje i gradnju parkirališta, Ministarstvo finansija vršit će u skladu sa Uputstvom o izvršavanju budžeta sa Jedinstvenog računa Trezora ("Službene novine Kantona Sarajevo", broj 20/03) u okviru razdjela Ministarstva prometa i komunikacija, na obrascu broj 2, uz obavezan unos subanalitičkog konta utvrđenog Budžetom za ove namjene.

13. Ovo Uputstvo stupa na snagu danom donošenja, a bit će objavljeno u "Službenim novinama Kantona Sarajevo".

Broj 08-01-14-3999
24. aprila 2007. godine
Sarajevo

Ministrica
Aida Haverić, s. r.

Na osnovu člana 24. stav 3. Zakona o trezoru u Federaciji Bosne i Hercegovine ("Službene novine Federacije BiH", broj 19/03), ministrica finansija Kantona Sarajevo donosi

UPUTSTVO

O NAČINU UPLATE I TROŠENJA NAKNADE ZA IZGRADNJU I ODRŽAVANJE JAVNIH SKLONIŠTA U KANTONU SARAJEVO

- Ovim Uputstvom uređuje se način uplate i trošenja naknade za izgradnju i održavanje skloništa u Kantonu Sarajevo (u daljnjem tekstu: naknada za izgradnju skloništa).
- Naknadu za izgradnju skloništa plaća investitor koji je oslobođen obaveze izgradnje skloništa, odnosno zaklona ili koji nije izgradio sklonište, odnosno zaklon u skladu sa rješenjem o dozvoli gradnje.
Rješenje o obavezi plaćanja i visini naknade za izgradnju skloništa donosi općinski organ nadležan za poslove prostornog uređenja na čijem se području gradi objekat.
- Općinski organ koji je naložio plaćanje naknade za izgradnju skloništa dužan je jedan primjerak rješenja dostaviti Upravi civilne zaštite Kantona Sarajevo (u daljnjem tekstu: Uprava civilne zaštite).
- Uprava civilne zaštite dužna je voditi evidenciju pravnih i fizičkih lica koja su po Zakonu o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", br. 39/03 i 22/06) obavezna platiti naknadu za izgradnju skloništa.
- Naknada za izgradnju skloništa se uplaćuje na depozitni račun za prikupljanje javnih prihoda Kantona Sarajevo (u daljnjem tekstu: Kantona), broj 129-101-10000885-31 koji je otvoren kod HVB Central profit banke dd Sarajevo, na vrstu prihoda 722423 (naknada za izgradnju i održavanje javnih skloništa).
Na platnom nalogu se upisuje šifra općine na čijem će se području graditi objekat.
- Uprava civilne zaštite dužna je planirati naplatu naknada za izgradnju skloništa i Ministarstvu finansija Kantona Sarajevo

(u daljnjem tekstu: Ministarstvo finansija) podnijeti prijedlog plana prihoda i rashoda od naknade za izgradnju skloništa prilikom izrade Budžeta Kantona Sarajevo za narednu fiskalnu godinu.

Na osnovu podnijetog plana, Ministarstvo finansija planira prihode u Budžetu Kantona na poziciji 722423 i odobrava rashode za te prihode, te na taj način osigurava izvršenje Budžeta za javne prihode naknada za izgradnju skloništa, koji se u Budžetu vodi kao rekonstrukcija i održavanje skloništa.

Zbir rashoda mora biti jednak ukupnom godišnjem planiranom prihodu na poziciji 722423.

- Izgrađena skloništa koja su u vlasništvu Kantona, u mimodopskim uvjetima, mogu se davati u zakup građanima, organima uprave, drugim organima vlasti i pravnim licima u skladu sa odredbama Zakona o zaštiti i spašavanju ljudi i materijalnih dobara od prirodnih i drugih nesreća.
- Sredstva ostvarena od izdavanja skloništa u zakup uplaćuju se na depozitni račun za prikupljanje javnih prihoda Kantona, broj 129-101-10000885-31 kod HVB - Central profit banke d.d. Sarajevo, na vrstu prihoda 722423 (naknada za izgradnju i održavanje javnih skloništa).
- Ostvarena sredstva od naknade za izgradnju skloništa i izdavanja skloništa u zakup su namjenska sredstva i i koriste se isključivo za izgradnju i održavanje javnih skloništa.
- Ministarstvo finansija obavezno je svakog prvog u mjesecu Upravi civilne zaštite dostaviti izvještaj o prikupljenim prihodima na vrsti prihoda 722423, sa pregledom pojedinačnih uplata koje su izvršila pravna i fizička lica.
Uprava civilne zaštite na osnovu dostavljenog izvještaja planira realizaciju projekata koji se finansiraju iz naknada za izgradnju i održavanje javnih skloništa.
- Sredstva od naknada će se koristiti prema programu koji odobri Vlada Kantona, a nabavke će se vršiti u skladu sa Zakonom o javnim nabavkama BiH ("Službeni glasnik BiH", br. 49/04, 19/05, 52/05, 24/06 i 70/06).
- Unos faktura kojima se stvaraju obaveze za plaćanje, a odnose se za izgradnju i održavanje javnih skloništa, Ministarstvo finansija vršit će u skladu sa Uputstvom o izvršenju budžeta sa Jedinstvenog računa Trezora ("Službene novine Kantona Sarajevo", broj 20/03) u okviru razdjela Uprave za civilnu zaštitu, na obrascu broj 2, uz obavezan unos subanalitičkog konta utvrđenog Budžetom za ove namjene.
- Potpisivanje naloga za plaćanje obaveza za projekat izgradnje i održavanje javnih skloništa vrši se u skladu sa Zakonom o izvršenju Budžeta Kantona Sarajevo za tekuću fiskalnu godinu.
- Ovo Uputstvo stupa na snagu danom donošenja, a bit će objavljeno u "Službenim novinama Kantona Sarajevo".

Broj 08-01-14-4000
24. aprila 2007. godine
Sarajevo

Ministrica
Aida Haverić, s. r.

OPĆINA CENTAR

Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar Sarajevo-Prečišćeni tekst ("Službene novine Kantona Sarajevo", broj 23/04), načelnik Općine Centar Sarajevo, 11. juna 2007. godine, verifikovao je i donio

ODLUKU

O KOREKCIJI REGULACIONOG PLANA "BOSNALIJEK"

Član 1.

Utvrđuje se korekcija Regulacionog plana "Bosnalijek" ("Službene novine Kantona Sarajevo", broj 24/05), u daljnjem tekstu: korekcija Plana.

Član 2.

Korekcijom Plana utvrđuje se građevinska parcela za izgradnju restorana društvene ishrane, koji zauzima k.č. broj 1372/14, dio parcele k.č. broj 1372/13 i dio k.č. 1372/16.

Predmetni objekat je planiran na centralnom mjestu kompleksa "Bosnalijek" d.d. namijenjenom, dijelom zelenoj površini, a dijelom poluuklopanim radionicama. Ulaz u objekat je sa postojeće interne saobraćajnice (kako je naznačeno u grafičkom dijelu korekcije Plana).

Maksimalni horizontalni gabarit objekta restorana društvene ishrane iznosi (31,00 x 16,00) m, a spratnost istog kreće se od P do P+I. Bruto građevinska površina objekta iznosi 1.040 m².

Član 3.

Korekcija Plana sastoji se iz tekstualnog dijela i tri grafička priloga (Izvod iz Regulacionog plana "Bosnalijek" M 1:2000, sa naznačenim mjestom korekcije, Izvod iz Regulacionog plana "Bosnalijek" M 1:2000, sa definisanim predmetom korekcije i "Situacija novog restorana" M 1:250).

Tekstualni dio i grafički prilozi korekcije Plana sastavni su dio Regulacionog plana "Bosnalijek" ("Službene novine Kantona Sarajevo", broj 24/05).

Član 4.

Po jedan primjerak ovjerene korekcije Plana (tekstualni i grafički dio) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo, Gradskoj upravi Grada Sarajeva i Ministarstvu prostornog uređenja i zaštite okoliša Kantona Sarajevo.

Član 5.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 10-23-6350/07
11. juna 2007. godine
Sarajevo

Općinski načelnik
Dževad Bećirević, s. r.

(Napomena: Objavljeno na oglasnoj ploči Općine Centar 11. juna 2007. godine.)

OPĆINA HADŽIĆI

Općinsko vijeće

Na osnovu člana 56. Zakona o eksproprijaciji ("Službeni list SRBiH", broj 12/87 i 38/89), ("Službeni list R BiH", broj 11/94) i člana 32. Statuta Općine Hadžići - prečišćeni tekst ("Službene novine Kantona Sarajevo", broj 29/05), Općinsko vijeće Hadžići na Dvadesetpetoj sjednici održanoj 7. juna 2007. godine, donijelo je

ODLUKU

**O UTVRĐIVANJU VISINE NAKNADE ZA PREUZETO
GRADSKO GRAĐEVINSKO ZEMLJIŠTE U DRŽAVNOJ
SVOJINI ZA 2007. GODINU**

Član 1.

Ovom Odlukom određuje se visina naknade za preuzeto gradsko građevinsko zemljište u državnoj svojini na području Općine Hadžići.

Član 2.

Naknada za jedan m² gradskog građevinskog zemljišta u državnoj svojini koje se preuzima od ranijeg vlasnika, određuje se u procentima od prosječne ugovorene cijene koja se formira u IV tromjesečju prethodne godine po 1 m² stambenog prostora izgrađenog u državnoj svojini na području Općine Hadžići, i to kako slijedi:

- za treću stambenu zonu 1,6%
- za četvrtu stambenu zonu 1,4%
- za petu stambenu zonu 1,2%
- za šestu stambenu zonu 1%

Odlukom o građevinskom zemljištu ("Službene novine Kantona Sarajevo", broj 18/04) utvrđene su stambene zone.

Član 3.

Osnov za određivanje naknade za preuzeto gradsko građevinsko zemljište predstavlja prosječna cijena jednog kvadratnog metra stambenog prostora u državnoj svojini koja je na području Općine Hadžići utvrđena u iznosu od 1.460,00 KM/m².

Član 4.

Naknada za građevinsko zemljište koje se ne može obrađivati i sa kojeg raniji vlasnik nije mogao ostvarivati značajnije prihode (kamenjar, šikara, močvara i sl.) može se umanjiti za 60%.

Član 5.

Odredbe ove Odluke primjenjivat će se na sve slučajeve u kojima do stupanja na snagu ove Odluke, nije odlučeno o visini naknade.

Član 6.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01-31.8-5925/07
7. juna 2007. godine
Hadžići

Predsjedavajuća
Općinskog vijeća Hadžići
Vesna Šehović, s. r.

Na osnovu čl. i 44. stav 4. Zakona o prostornom uređenju ("Službene novine Kantona Sarajevo", broj 7/05) i člana 32. Statuta Općine Hadžići - prečišćeni tekst ("Službene novine Kantona Sarajevo", broj 29/05), Općinsko vijeće Hadžići je, na Dvadesetpetoj sjednici održanoj 7. juna 2007. godine, donijelo

ODLUKU

**O USVAJANJU REGULACIONOG PLANA
"MRĐANOVIĆ POLJE"**

Član 1.

Usvaja se Regulacioni plan "Mrđanović polje" (u daljnjem tekstu: Plan).

Član 2.

Plan se sastoji od tekstualnog i grafičkog dijela.

Tekstualni dio sadrži:

- Odluka o provođenju Regulacionog plana "Mrđanović polje"
- Tekstualni dio Plana.

Grafički dio sadrži:

- Urbanizam prezentiran na odgovarajućem broju tematskih karata
- Idejno rješenje elektroenergetike i javne rasvjete
- Idejno rješenje hortikulture